


古乐苑 第二册

(明) 梅鼎祚 撰



电子科技大学出版社

古 樂 苑

(第二册)



电子科技大学出版社

图书在版编目 (C I P) 数据

古乐苑:全5册/(明)梅鼎祚撰.--成都:电子科技大学出版社,2017.10
ISBN 978-7-5647-5185-2

I . ①古… II . ①梅… III . ①乐府诗—诗集—中国—古代 IV . ①I222.6

中国版本图书馆 CIP 数据核字 (2017) 第 239303 号

古乐苑 (全 5 册)

(明) 梅鼎祚 撰

策划编辑 刘 愚 杜 倩
责任编辑 刘 愚

出版发行 电子科技大学出版社
成都市一环路东一段 159 号电子信息产业大厦九楼 邮编 610051

主 页 www.uestcp.com.cn

服务电话 028-83203399

邮购电话 028-83201495

印 刷 虎彩印艺股份有限公司

成品尺寸 185 mm×260 mm

印 张 138

字 数 1170 千字

版 次 2017 年 10 月第 1 版

印 次 2017 年 10 月第 1 次印刷

书 号 ISBN978-7-5647-5185-2

定 价 3980.00 (全 5 册)

版权所有,侵权必究

第二冊目錄

古樂苑	卷第五		一
古樂苑	卷第六		三五
古樂苑	卷第七		七一
古樂苑	卷第八		一〇三
古樂苑	卷第九		一一七
古樂苑	卷第十		一四五
古樂苑	卷第十一		一七五
古樂苑	卷第十二		二〇一
古樂苑	卷第十三		二四五

古樂苑 卷第十四 二六三

古樂苑 卷第十五 二九九

古樂苑 卷第十六 三四一

古樂苑 卷第十七 三八九

古樂苑卷第五

西吳 梅鼎祚 補正

東越 呂胤昌 校閱

郊廟歌辭

廟祀

梁

陳

北周

隋

齊太廟樂歌

南齊書樂志曰宋昇明中太祖爲齊王令司馬褚淵造太廟登歌二章建元初詔黃門侍郎謝超宗造廟樂歌詩十六章永明二年尚書殿中曹奏太祖高皇帝廟神室奏高德宣烈之舞未有歌詩郊應須歌辭穆皇后廟神室亦未有歌辭案傅玄云登歌廟異其文饗神十室同辭此議爲允又尋漢世歌篇多少無定皆稱事立文並多人句然後轉韻時有兩三韻而轉其例甚寡張華夏侯湛亦同前式傅玄改韻頗數更傷簡節之美近世王韶之顏延之並四韻乃轉得

除促之中額延之謝莊作二廟歌皆各三章章
入句此於序述功業詳畧爲宜今宜依之郊配
之日改降尊作王禮殊宗廟穆后母儀之化事
異經論此二歌爲一章八句別奏事御奉行詔
可尚書令王儉造太廟二室及郊配辭古今樂
錄曰梁何佟之周捨等議以爲周禮牲出入奏
昭夏而齊氏仍宋儀注迎神奏昭夏牲出入更
奏引牲樂乃以牲牢之樂用接祖宗之靈宋季
之失禮也

肅咸樂

夕牲羣臣出入奏

謝超宗

下同十六章

潔誠底孝孝感煙霜寅儀式序肅禮綿張金華樹藻肅
哲騰光殷殷升奏嚴嚴階庠匪椒匪玉是降是將懋分
神衷翊祐傳昌

引牲樂

牲出入奏

肇祀嚴靈恭禮尊國達敬傳典結孝陳則芬滌既肅犧
牲既整聳誠流思端儀選景肆禮佇夜綿樂望晨崇席
皇鑒用饗明神

傳一作款

嘉慶樂

薦豆呈毛血奏

清思眇眇閔寢微微恭言載感肅若有希芬俎具陳嘉
薦兼列凝馨煙颺分炤星哲睿靈式降協我帝道上澄
五緯下陶八表

右夕牲歌辭

昭夏樂

迎神奏

涓辰選氣展禮恭祇重闌月洞層牖煙施載虛玉鬯載
受金枝天歌折饗雲舞整儀神惟降止汎景凝義帝華

永謫泯落方摘

永至樂

皇帝入廟
北門奏

戲繇惟則姬經式序九司聯事八方永宇鑒迺靜陳綬
樂具舉凝旒若慕傾璜載佇振振璇衛穆穆禮容載謫
皇步式敷帝蹤

登歌

太祝裸地奏

清明既邕大孝乃熙天儀睟愴皇心儼思既芬房豆載
潔牲牲鬱裸升禮銷玉登聲茂對幽嚴式奉徽靈以享
以祀惟感惟誠

明一作容
玉一作金

凱容樂

皇祖廟陵
水神室奏

國昭惟茂帝穆惟崇登祥緯遠締世景融紛綸睿緒菴
蔚王風明進厥始濬哲文終

凱容樂

皇祖太中大夫
府君神室奏

璇條黃蔚瓊源浚照懋矣皇烈載挺明劭永言敬思式
恭惟教休途良乂榮光有耀

凱容樂

皇祖淮陰令
府君神室奏

嚴宗正典崇享肇禋九章既飭二清既陳昭恭皇祖承
假徽神貞祐伊協卿藹是鄰

凱容樂

曾祖卽丘令
府君神室奏

肅惟敬祀潔事參薌環袞像綴緬密絲簧明明烈祖尚

錫龍光粵雅于姬伊頌在商

凱容樂

皇祖太常卿
府君神室奏

神宮懋鄴明寢昌基德凝羽綴道邕容辭假我帝緒懿
我皇維昭大之載國齊之祺

宣德凱容樂

皇考宣皇
帝神室奏

道闕期運義開藏用皇矣睿祖至哉攸縱循規烈炤襲
矩重芬德溢軒義道懋炎雲

凱容樂

昭皇后神室奏

月靈誕慶雲瑞開祥道茂淵柔德表徽章粹訓宸中儀
形宙外容蹈凝華金羽傳藹

永祚樂

皇帝還東壁
上福酒奏

構宸抗宇合軫齊文萬霧載溢百禮以殷朱絃繞風翠
羽停雲桂罇既滌瑤俎既薰升薦惟誠昭禮惟芬降祉
遙裔集慶氤氲

肆夏樂

送神奏

禮既升樂以愉昭序溢幽饗餘人祇鬯敬教敷神光動
靈駕翔芬九垓鏡八鄉福無屆祚無疆

休成樂

皇帝詣便殿奏

睿孝式鬯饗敬爰徧諦容輟序佇文靜縣辰儀聳蹕霄
衛浮鑾旒帝雲施翠華景搏恭惟尚烈休明再經國猷

遠謁昌圖聿宣

編一作偏
縣一作懸

太廟登歌

褚淵

下同
二章

惟王建國設廟凝靈月薦流典時祀暉經瞻宸俊思雨
露追情簡日筮畧閱莫升文金壘淳桂沖幄舒薰備僚
肅列駐景開雲

至饗攸極睿孝惇禮具物咸潔聲香合體氣昭扶幽眇
慕躔遠迎絲驚促送俯留晚聖衷踐候節改增愴妙感
崇深英徽彌亮

聲香郭本
作馨聲

高德宣烈樂

太祖高皇帝
神室奏

王儉

下同
三章

悠悠草昧穆穆經綸乃文乃武乃聖乃神動龕危亂靜

比斯民誕應休命奄有八寅握機肇運光啓禹服義滿
天淵禮昭地軸澤靡不懷威無不肅戎夷竭歡象來致
福偃風裁化晷日敷祥信星含曜拒草流芳七廟觀德
六樂宣章惟先惟敬是饗是將

穆德凱容樂

穆皇后神室奏

大姒嬪周塗山儷禹我后嗣徽重規疊矩肅肅闕宮翔
翔雲舞有饗德馨無絕終古

明德凱容樂

高宗明皇帝神室奏

多難固業殷憂啓聖帝宗讚武維時執競起柳獻祥百
堵興詠義雖祀夏功符受命遠無不懷邇無不肅其儀

濟濟其容穆穆赫矣君臨昭哉嗣服允王惟后膺此多
福禮以昭事樂以感靈八簋陳室六舞充庭觀德在廟
象德在形四海來祭萬國咸寧

梁宗廟登歌

隋書樂志曰七曲四言皇帝初獻奏按太廟雅
歌與郊明堂同用者皇雅絲雅絃雅箏雅第三
首並沈

約撰

沈約

功高禮洽德尊樂備三獻具舉百司在位誠敬罔訾幽
明同致茫茫億兆無思不遂蓋之如天容之如地
殷兆玉筐周始邠王於赫文祖基我大梁肇土七十奄
有四方帝軒百祀人思未忘永言聖烈祚我無疆

有夏多罪殷人塗炭四海倒懸十室思亂自天命我殲

凶殄難既躍乃飛言登天漢爰饗爰祀福祿攸贊

祀郭作格

犧象既飾壘俎斯具我鬱載馨黃流乃注峨峨卿士駿
奔是務佩上鳴堦纓還拂樹悠悠億兆天臨日煦

猗歟至德光被黔首鑄鎔蒼昊甄陶區有肅恭三獻對

揚萬壽比屋可封含生無咎匪徒七百年長地久

肅郭作格

有命自天於皇后帝悠悠四海莫不來祭繁祉具膺八

神聳衛福至有兆慶來無際播此餘休于彼荒裔

祀典昭潔我禮莫違八簋充室六龍解駢神宮肅肅霧

寢微微嘉薦既饗景福攸歸至德光被洪祚載輝

小廟樂歌

隋書樂志曰梁又有小廟太祖太夫人廟非嫡故別立廟皇帝每祭大廟訖詣小廟亦以一大牢如大廟禮

舞歌

闕宮肅肅清廟濟濟於穆夫人固天攸啓祚我梁德膺
斯盛禮文槐達嚮重檐丹陛飾我俎彛潔我粢盛躬事
莫饗推尊盡敬悠悠萬國具承茲慶大孝追遠光庶攸
詠

登歌

光流者遠禮賚彌申嘉饗云備盛典必陳追養自本立